

明史攷證攬逸

四庫全書總目明史三百三十六卷志七十五卷表十三卷列傳二百二十卷目錄四卷乾隆四年告成簡明目錄明史三百六十卷大學士張廷玉等奉 敕撰經始於康熙十八年至乾隆四年告成其中考究未詳者近又承 命刊正今謹以新定之本著於錄案今通行明史皆三百三十六卷絕無三百六十卷之本不知簡明目錄所謂新定本者何若何年承 命刊正也及讀王祭酒先謙東華續錄乾隆四十年五月甲子 諭明史內於元時人地名對音譌舛譯字鄙俚如圖作爲兔之類既於字義無當而垂之史冊殊不雅馴今遼金元史已命軍機大臣改正月刊明史乃本朝撰定之書豈

可轉聽其譌謬見在改辦明紀綱目著將明史一併查改以昭傳信又乾隆四十二年五月丁丑諭前因明史內於蒙古人地名音譯未真特命館臣照遼金元三史例查覈改訂並就原板扣算字數刊正其閒增損成文不過數字而止於原書體制無多更易茲閱所進籤之英宗本紀如正統十四年巡按福建御史汪澄棄市並殺前巡按御史柴文顯同時殺兩御史而未詳其獲罪之由又土木之敗由於王振挾主親征違眾輕出及敵鋒既迫猶以願戀輜重不卽退軍致英宗陷身漠北乃紀中於王振事不及一語尤爲疏略所有明史本紀著英廉程景伊梁國治和珅劉墉等將原本逐一考覈

添修務令首尾詳明辭義精當仍以次繕進候朕親閱  
鑒定重刊頒行始知明史於元時人地名曾經改譯本  
紀亦經增修然志表傳之修改與否無明文可據也嗣  
讀武大令億授堂文鈔與萇喬菴書有在都爲友人校  
官書閱及忠義傳考證之語方知明史有考證求之數  
年不能得以詢朋好亦絕無知之者光緒丙戌段得劉  
君嶽雲所臨邵比部懿辰簡明目錄評本稱在方略館  
時見乾隆末年改定明史僅列傳百數十卷中多籤改  
繙譯人名地名間引他書籤改本文似未曾改刊此目  
所云新定之本或卽此本但列傳卷數並無分合豈添  
列三藩事蹟增多二十四卷歟須得閣本對勘方釋此

疑案邵比部云乾隆末年改定又云僅百數十卷皆係約略之詞未經考實余竊心識之丁

亥秋入直樞院卽屬館中令史張大誥物色是書果得

藍面冊明史自卷一百十六至卷三百三十二闕卷一百九十五

凡二百十六卷列傳首尾略具案語用黃籤黏書之

上方人地名改譯及修改字句處用黃籤黏原文之上

惟年久受潮溼黏籤斂落甚多且有微爛成塊未堪揭

動之葉余屬張令史悉心逐寫僅得什之泰八此卽邵

比部所見進呈本蓋當時奉丁丑詔書以次繕進故

卷面書臣某官某某恭校卷中黏籤皆黃也繼又得葉

本四十餘卷卷面題總裁英閱總裁于閱總裁錢閱及

纂修官黃輯宋輯協修官嚴輯章輯羅輯等字案語與

進呈本略同閒有爲總裁所刪者則進呈本不錄最後  
又搜得正本三巨冊自卷一百十八至卷三百二十八  
闕卷二百五十二  
至二百五十六 凡二百六卷每卷題明史卷幾考證  
意在分附明史各卷之後故析卷皆同每條稱臣某某  
案亦與他史考證同式以上二本皆邵比部所未見張  
令史得之牆壁之間故多爛脫三本皆祇列傳無紀表  
志彙本進呈本不及正本之完備然亦有彙本考訂到  
塙而進呈本刪去者有彙本進呈本俱有而正本不錄  
者且有案語絕無發明而列入正本者良由官書成於  
眾人之手荃茅同處拳擇不精又其時總裁諸公無淹  
雅鴻朗之才故去取未能悉當是書總裁原派尙書英

廉程景伊梁國治侍郎和珅內閣學士劉墉續派大學士于敏中侍郎錢汝誠纂輯則宋銑劉錫嘏方焯黃壽齡嚴福羅修源章宗瀛凡七人銑吾吳吳縣人乾隆二十五年進士由編修出知湖南衡州府錫嘏順天通州人乾隆三十四年進士由御史官江南河庫道著有快晴小築詞壻孫爾準刻之屬楊芳燦爲序見芙蓉山館文鈔焯安徽定遠縣人壽齡江西新城縣人皆乾隆三十七年進士焯官司經局洗馬壽齡官編修福亦吳縣人修源湖南湘潭縣人宗瀛浙江會稽縣人皆乾隆四十年進士修源官侍講學士福宗瀛皆官編修改譯遼金元三史成於乾隆四十七年四月而明史考證告成

年月不可考今所存彙本題總裁于闕英閱者甚多于  
文襄卒於乾隆四十四年十二月英文肅卒於乾隆四  
十八年八月此書告成疑當在乾隆五十年以前也正  
本卷第與今通行本明史同張令史續得卷三百十六  
至卷三百三十二刊本考證一冊係初刊樣本中有黏  
籤校改處其卷第亦與正本同當卽所謂新定本也惟  
新定本雖有改譯有增刪合諸目錄四卷仍是乾隆四  
年三百三十六卷之舊第與簡明目錄卷數不符蓋不  
得閣本對勘終未易釋此疑耳余詳閱進呈本字句或  
增或刪必於前後數行湊足字數故案語中每云以符  
勻刻纂輯諸臣蓋謹遵 聖諭就原板湊足字數藉省

刊刻之煩惟案刊本考證卷三百二十九三百三十俱云卷內改譯各名過多難以增刪勻刻擬將全卷另刊則亦未嘗無重刊之卷矣今殿本遼金元三史俱改譯乾隆四十七年以前印本人地名未改譯今不易得卷末附考證而明史獨否余思其湮晦故屬張令史將進呈本黃籤一一傳錄退直之暇復取彙本正本參觀互證汰其文義複沓及空衍無關宏旨者如云某事某書無考及增某字刪某字以符勻刻之類簿領匙暇作輟靡常凡兩閱寒暑始克排比成書分卷四十有二題曰明史考證攬逸昔邵比部僅見此書進呈本余又獲觀彙本正本並初刊樣本雖皆爛闕不全斷壁零璣足資采摭然非邵比部筆之目錄余不知訪求非張令史

博搜於塵网蝨醫之餘亦無從綴錄成集二君之功皆  
未可泯也光緒倉龍甲午辜月長洲王頌蔚識於京師  
宣武坊南之醋章胡同

改譯人地名

明史人地名之改譯見乾隆四十年四十二年兩次

諭旨惟海內並未預行是書清本凡改譯處均黏籤本

字之上雖年久不免脫落尙可考見什之八九人名則

俺答

改達達

搯力克扯力克

俱改哩克

把當孩把當亥

俱改巴爾

達

把孫巴孫

俱改博遜

吉囊

改農濟

小十王

改沙什王

滿罕歹

改哈岱瑪

猛克兔

改蒙克圖

辛愛

改錫林阿

把都兒

改巴爾

打來孫喇

改達蘇

煖兔

改諾木圖

或

炒蠻炒花

俱改或改綽哈

朶顏董狐狸

改朶顏董呼哩

長昂

改安長

長禿

改察克圖

大嬖只

改德特

必濟

火落赤

改落齊

或改

火力赤

改爾齊

把漢那吉

改巴漢

奈濟

或

素

索把伶

改朗

了都

改德濟

噶拜

改巴

昆都力

改赫

都

打喇

明安兔改達賚東桂改棟老撒卜兒改斐徹速把亥改

巴爾改滿五大改莽阿卜失免改布小朗兒改薩喇勒或士

昧們改擺言太改延泰或改布延泰改雲改延捨達大改

達鐵雷改類塔莊禿類改哩切盡台吉改齊勤台吉或七

慶台吉改徹辰黑石炭改斯哈委正改衛拱免改恭卜言

台周改布延清佳努改青噶楊吉努改諾爾珠以兒鄧改

勒堵刺兒改都卜兒亥改布噶卜兒孩改布雨噶或慌忽

太和改趙鎖羅骨改趙索王台改翁那林孛羅改納琳

克力蓋改該小阿卜戶改呼小阿土阿改圖猛可真改孟

老把都改婁巴巴圖或也坐改葉也臣改葉炒胡兒改綽

花大改呼賴暈歹改婁約小歹青改沙賴沙刺改實喇

銀定歹成銀定歹青俱改伊勒可卜列伯改克宗塔兒總改

塔兒改阿大勒改阿丙免圖改必占柯喀改章乞炭乞台俱改奇抽

扣兒庫改楚三兒台吉台改薩喇阿老丁改阿喇烏馬兒改

瑪職馬祿丁改智默羅月或定住鼎住俱改揚輦真珈

喇勒智汝納改儒丑羅改綽哈立麻改哈瑪或

瑪干兒罵改噶阿班歹改阿勒羅鐵台改魯劄巴堅參改

巴置勒木燦或改劄實巴改札實鎮南堅參改索諾木

札克巴嘉木燦或改劄實巴改札實鎮南堅參改索諾木

嘉木燦端竹也失改敦珠班卓爾藏巴班卓爾藏卜

班竹爾藏卜俱改班珠領占竹改凌戩珠或劄實堅參

改札實乳奴班丹改日諾爾法領占改巴花當改和通

爾火立達改和瓦刺灰改鄂真金改精陳埜先改陳察

明汝兔

罕帖木兒

改察罕

竹貞

改珠占

寬徹不花

改庫沁布哈

延安答

理改揚安

延安答里

改延安

楊完者

改楊諤

達識帖睦

邇改達什

朶兒只班朶兒只巴朶兒只伯

俱改多爾索

羅帖木兒

改博羅

泰不華

改台哈布哈

擴廓帖木兒

改庫庫

哈麻兔哈麻圖

俱改哈瑪爾圖

完者都

改烏哲勒圖

或

朗革歹

改塔

把市刺瓦爾密

改巴咱爾

老的沙

改錫羅

搠思監

斯改

白鎖住

改珠脫

列伯

改魯卜

脫因帖木兒

改託因貂高

改

阿魯温

改揄阿

豁鼻馬

改呼瑪

馬合謀

改瑪哈

馬哈

木馬黑木

俱改瑪

完者帖木兒

改旺札勒

曲出

改庫朶

耳麻

改多瑪

柏帖木兒

改拜特

迭里彌實

改德爾

伯顏子

中改巴延

伯家奴

改嘉努

達尼達思

改達尼

定定

改鼎僧

住改僧石抹宜孫改舒穆厚孫改和普顏不花卜顏不

花俱改布哈改銀納錫彰改濟農桑哥失里改錫里拜泰古

唐改古勒王可昂克俱改恩克阿失不花改阿什普顏帖木兒

卜顏帖木兒卜煙帖木兒俱改布延帖木兒不花鐵木

兒不花俱改特穆元禿蠻改圖約尼董丑漢改董忽哥赤

郭齊達里麻改爾瑪達的改託驢兒改魯納哈出那哈尤

俱改楚斫都改錫脫因改託慶童改慶迭兒必失改爾畢

什樸賽音不花改富森賽滿川改穆乃兒不花改爾

阿魯帖木兒改阿魯也速改伊慶生改齊阿魯灰改阿

爾改輝阿劉帖木劉帖木兒俱改穆爾沙不丁改沙布上都

罕改達哈愛猷識里達臘改阿裕錫哩達喇或買的立八

刺哩改密迪 蠻子哈刺章改曼濟 陳安禮改陳 朶朶失里

改託克哩答海改塔 何鎖南改何索諾 伯顏帖木兒改延特

顏特穆爾改巴 別里哥改伯克久通改覺 脫脫不花改託布哈

阿昌失納錫納阿察 脫火赤改託齊愛足改按帖里帖木兒

改託里秃堅不花改圖卜寶忽丁改布丹蠻子海牙改齊哈

雅上都驢改桑多爾或長加奴改昌乃刺吾改肅拉勒

圖探馬赤改齊觀童關童古俱改木華黎改呼哩失刺罕改實

罕鎖納兒改索爾哈者舍利改哈喇拜住改拜阿思蘭改阿

爾薩也兒吉尼改額爾韓札兒改哈什噶爾或火兒忽

答改哈喇哈達或哈海改哈僧家奴改僧小鎖兒改蘇爾

盧伯顏改盧兀不台兀卜台俱改鄂封帖木穆爾特乞

失迦改實嘉切哈兒魯改喇婁脫古斯帖木兒改脫古思帖木兒

俱改特古斯特穆爾帖里密赤改齊果來改郭不蘭谿改奇哈

咎爾吉月魯帖木兒改伊爾閻乃馬歹改馬

岱實卜改實保金剛奴改金剛王忙哥改孟格翟也先不花改翟

額森八丹改巴僧儒改舒孛羅普化改布俺普達改溫

達答祿與權改特與權安童改圖阿朮改珠札刺爾改拉爾

帖木烈思改爾甲火耳灰改囉海本雅失里改布尼答卜

改藏都連改蘭忽失温改實失捏干改實

火篩改頌老的罕改達馮答蘭帖木兒改馮虎保

改呼亦合真巴改額阿台改阿勒喃哥改訥格

格賽音不花改賽音忽哥改齊寶山帖木兒改博兀

期改兔

良吉爵改烏蘭高家奴改高家郎卜兒哈改朗布爾汗或

阿必車改阿必齊阿比車改阿比齊金台吉改金台吉金台什改金台什白羊

布羊古俱改古巴改密妥懽帖木兒改特懽爾買的里八刺改邁

迪哩改密塔海帖木兒改特穆爾失篤兒改實蒙哥禿

改孟九住改玖完者不花改旺札天保奴改天保奴捏怯來

格圖改訥失烈門改實地保奴改地保奴咬住改珠也速迭兒改伊

遜岱改帖木兒穆爾改特鬼力赤改郭馬兒哈改瑪勒

婦胡兒改索答里巴改塔巴的改博阿卜只俺改謬博

阿台王子改阿王子達達可汗改達爾阿刺改阿麻兒可

兒改穆爾孛來改保毛里孩改瑪馬古改鄂吉思改蒙

克塔青改鄂阿羅出阿魯忽改鄂幹羅出改鄂孛魯乃

吉斯改鄂



爾把秃李羅改巴圖答哈帖木兒改達哈暖答失改諾

實亦刺思改額忽蘭忽失温改和蘇火耳灰改蘇和

賽因打力改賽因捏烈忽改飛皮兒馬黑麻改必喇滿

伯都王改巴兀忽納改烏阿失帖木兒改阿寶克拜亦

噉哈改拜薩克捨實克改養罕王改揚阿沙改阿火兒忽

力和里改爾火兒古倒温改呼衮卜六王改博裴牙失里

錫哩雅改脫兒火察改託爾察哈兒兀歹改哈喇安出改安

土不申改圖朶兒朶臥改多爾阿者秃改烏哈刺哈孫

哈斯喇朶藥帖木兒改多羅別里格改伯迭連拙赤改德

榜卓賽刊王改賽朶羅干改多打哈改達伯革改伯舟

兒改哈朶顏通罕改朶顏班不什改班布納忽里改納

安克帖木兒改昂克買柱改敏免力帖木兒改推勒

答失里錫哩北改斗改奴改脫改脫塔木兒改託克託改倒

瓦答失里倒瓦刺失俱改達實里達實里皮刺納勒納猛克不花

猛哥不花俱改孟弩溫答失里實哩捏列沙改蘇納

列革改阿改只奄章俱改把塔木兒察改博古兒魯

海牙改阿兒察改阿力里改阿牙蘭牙木蘭俱改

阿黑麻改阿哈瑪特改阿木郎改阿穆綽改綽改都改綽改者盼

卜改奄克改李刺改恩克改千奔改寫亦虎仙改舍音

改沙拜迭力迷失改拜達改真帖木兒改哲爾改阿李刺改

保實改滿速兒改蘇爾改滿速爾改拜牙郎改巴滿哈

刺三改瑪哈改火者他改只丁改智迪音改塔改火者馬黑木改卓瑪

哈穆 火者撒者兒改和卓米兒馬黑木改穆爾瑪入拜

煙答改實保失拜煙答改沙塔虎都寫亦改呼都虎力納

咱兒改和爾瓦赤刺改齊爾白阿兒忻改拜阿觀音奴改觀

音阿黑把失改阿喀哈散改哈賽音帖木兒改賽音清

來改沁法泉改帕尹吉爾察改伊奇歪思改威蘇也

先帖木兒改額森巴刺麻兒改巴爾也密力火者改密里

和倒刺火只改道拉滿刺土兒改滿拉章古庫改章鎖南

普改索諾卜納刺改布諾爾或朶兒只改多汪家奴改旺

嘉桑加朶兒只改桑結汪瓦兒改汪李喃哥改李史刺

巴喇改實必里改必三刺改薩吒思巴領占改多斯著星

改珠阿爾官改阿亦不刺改額布勒或亦不刺金改伊

勒或改額 亦孛來 改額亦卜喇 改伊伯麻答兒 改滿板

布勒津 改巴 改實哩 改哈 改哈 改孩 改魯 改噶 改三 改

濟 哈三 改哈 朶兒只叔 改多爾 撒力加藏 嘉藏布撒

兒只失加 改薩勒嘉 亦攀丹 改伊勒 散哥 改僧 散卽思

改桑 賈失兒監藏 改賈實勒 雅令闊 改雅 喀那南奔 改納

領占幹些兒 改凌 改轍 改泰 改塔 改克 改巴 改陝 改善 改綽 改爾

加爾結綽兒加 改綽 改小 改錫 改魯 改錫 改魯 改丹 改囉 改索

眞只罕 改章 卜答兀 改布 達 治藥王 改智 約 堅 都 改嘉

勒那那罕 改納 都立 改都 忽都帖木兒 改呼 圖 克 亦 憐

眞 改額 塔力尼 改塔 苦 改庫 哈刺馬牙 改噶 爾 老 伯

罕 改斐 且旺失嘉 改沙 克 嘉 可兒卽 改科 困卽來 改琨 瑣

合者改索和鎖合者改蘇革古者古嘉改格總兒加陸改總

勒瓦撒塔兒改鞞薩敢班改幹乞巴改且賞卜塔兒改

布塔昆藏改套鎖南東改索諾阿魯哥失里改阿爾抹

台阿巴赤改穆爾台苦兒蘭改科赤納改察阿赤不花

布哈阿齊桑哥失力改僧格班麻思結改巴特克俄羅領

占改凱囉毛哈刺改茂祈者孫改祈鎖南吉刺思改索

喇答力襲改塔卻里加改恰那那改納賞卜兒加改藏

嘉把麻奔改巴特枝丹改智只克改智日羔改日土巴

改圖兀納失里改溫納岳山改岳別兒怯帖木兒改伯

特穆省阿桑爾只改桑阿八思巴改帕克喃加巴藏卜

改蘭藏布鎖南堅巴藏卜改索諾木哥列思監藏巴藏卜





占改緙爾濟領占改叭兒結堅參改琳沁巴勒領占堅參

叭兒藏改琳沁嘉木班著兒改珠爾領占劄巴改琳沁

南渴烈思巴改納木喀葛藏改嘉桑加巴改薩喃葛劄

失堅參叭藏改木燦巴勒藏布嘉改哈魯改必尼改

鼎朶兒只怯烈改濟吹埒失思巴藏改勒藏布改汝奴汪

叔改舒克馬達納羅摩改瑪達沙葛新的改實迪格可般

巴凱野藍卜納改伊朗連迪改拉南哥思丹八亦監藏

改納木喀斯鎖南兀即爾改鄂則爾管招兀即爾改哲克

鄂則遠丹藏改雲丹刺瓦蒙改拉若刺克改拉伯思東

巴獵改布斯賈哈刺改嘉喃哩改囊加八僧改札南葛

改納克羅俄堅粲改嘉木燦改饒絡改饒爾阿標改烏劄思

明攷逸

九

堅桑藏卜

改札實嘉木燦藏布

綽吾結言千

改綽鄂結揚沁

喃呆

改囊容

中短竹

改永忠端珠布

滿刺哈非思

改滿刺克巴斯

白阿兒忻台

改拜額爾

欽兀魯伯

改鄂勒博

沙里奴兒丁

改實刺諾爾丹

米兒咱

改密爾咱曲

烈干

改齊魯根

撒因

改保賽音母

撒薩

改茂

怕六灣

改帕魯勒溫

灣勒

改勒溫

粹培刺海

改辭勒哈

黑的兒火者

改克爾和卓

力丁

改哈爾丹

沙迷查干

改實察罕

納黑失只罕

改諾色徹肯海

哥

改格蘇

忽歹達

改呼岱達

也密力虎者

改額勒和卓

沙哈魯把都

兒

改薩爾圖爾

金哈藍伯

改勒巴金哈

打刺罕

改爾爾罕

法虎兒丁

改巴哈

改阿卜

都刺

改都哩

神忠母

改撒

打魯哇

勒鎖和卜

改蘇台

滿可

改孟

迷兒

改阿力

亦思

罕答兒魯密帖里牙

改伊魯密

德哩雅

改達爾

阿失刺福

改阿實拉呼

哈只馬黑木改哈濟瑪捨兒班改實爾牙忽沙改雅賽

亦德阿力改賽音德賽亦得哈三改賽音德寫亦把刺

克布改賽音亦麻都兒改伊瑪額馬都抗改額穆馬力丁

爾丹瑪撒哈八改薩撒阿的改薩幹葛思改翰地名國

名番部土司等名如察罕腦兒察罕腦刺俱改察哈刺

那海改哈刺土刺河改圖答刺海改塔喇海或莽哥倉

改孟口温改坤或阿魯渾河改鄂爾稱海改青桑哥兒

麻爾改桑三不刺川改賽音布百千兒改伯埽林山改

琳山或改亦集乃路改額齊別篤山改畢苦屯改魁亦

迷河改伊牙頭改英畢栗河改畢豬兒峪改珠屈裂河

爾奇拉改難河改鄂雙乃山改尚飛芬山改斐捏工川

改尼恭川或張其哈佃改章嘉海刺都哈喇脫哈刺脫

俱改叢哈可可母林穆稜克不沾泥改巴哈流免改哈撒

爾湖山改薩爾勺琴山奇珊迤都改伊閣欒海改庫宿

崑山海改蘇蘭答納木兒河改達蘭納母納山改穆兀魯

乃改烏刁力溝改多莽刺川改蘇兀蘇河改烏干趕河

改鴨爾把思闊改博屈烈河改楚格魯現改克腦温江

改諾早落兀素改喀喇卜隆吉兒川改布陸小列禿改

舒塔圖或改免兒壩改託苦爾丹改科靈藏改凌畢力朮

江改巴勒帖兒谷改託怕木竹巴改帕克思達藏改斯

藏牛兒宋寨改諾爾白勒寨改丕阿昔洞改阿老思岡

斯魯阿魯骨改阿勒達達勒阿朮河改阿忽魯謨斯

改和爾 古里 改呼 古里 阿丹 改庫哩 俺的 干失刺思 改

默蘇 迪干 實尼 八刺 改巴 勒尼 速觀 嵩都 改蘇 木于 闖 改和 俺的 干

改愛 哈實 哈爾 改噶 爾亦 思弗 罕布 改伊 蘇火 刺札 改呼

達罕 乞力 麻兒 改瑪 勒白 松虎 兒和 改博 斯答 兒密 改爾 瑪納 失

者罕 改哲 干實 敏真 改珍 密日 落改 日米 昔兒 改實 爾密 討來 思

改託 喇思 阿速 改蘇 阿沙 哈魯 改薩 和爾 或默 德那 改德 訥撒 馬

兒罕 改爾 堪瑪 沙鹿 海牙 改哈 實喇 達失 干實 干賽 藍掃 藍

俱改 薩蘭 養夷 改伊 克渴 實改 克迭 里迷 改德 爾密 或下 花兒

卜哈 刺俱 改爾 布別 失八 里伯 改巴 什哈 烈改 哈俺 都淮 改

都八 答黑 商改 拔達 亦力 把里 改巴 爾黑 魯黑 婁俱 改

失刺 思改 賽喇 蘇或 把丹 沙改 達實 速麻 里兒 改瑪 喇勒 密

明攷逸



延改巴 克札勒改嘉米兒哈蘭改密爾 可脫札蠟燭改克託

也的干刺竹改葉迪因格失迷改英格 乞兒吉思改奇

蘇羽奴思哈辛改伊爾蘇囉囉斯改羅茶罕章改察達

思蠻改塔他如汗號則虎墩兔改胡土速檀改蘇勒坦

坦鎖魯檀改素官名則達魯花赤改達魯 宰賽宰僧真

相俱改桑招討司則朶甘隴答改朶甘朶甘念漭改朶甘

磨兒勘改穆答隆蒙改達萬戶府則沙兒可改沙乃竹

改朶羅思端改羅列思麻改塔克軍民元帥府則俄力

思改鄂衛名則阿端改阿毛憐改摩曲先改庫必里必

里克或俺不羅改安布餘如管事之名力完改達屋名

板升改拜大土臺名大土刺改達糖名達郎古賓改達

明攷逸

班爾  
此皆改譯之大略也

各卷纂輯姓名

是書纂輯諸臣以彙本考之宋銑黃壽齡皆纂修官嚴福羅修源章宗瀛皆協修官惟劉錫嘏方煒無考進呈本所題姓名往往與正本不同今悉詳著之而卷中不復出某人案亦不云某人恭校以歸簡易一百十三一百十四闕名此二卷據彙本緝錄進呈本正本俱闕一百十五彙本進呈本正本俱闕一百十六一百十七進呈本嚴福正本闕一百十八至一百二十進呈本羅修源正本嚴福一百二十一進呈本羅修源正本方煒一百二十二進呈本宋銑正本嚴福一百二十三一百二十四進呈本宋銑正本章宗瀛一百二十五一百二十

六進呈本劉錫嘏正本方煒一百二十七進呈本羅修源正本章宗瀛一百二十八至一百三十二進呈本劉錫嘏正本嚴福一百三十三至一百三十七進呈本宋銑正本章宗瀛一百三十八至一百四十一進呈本劉錫嘏正本章宗瀛一百四十二進呈本劉錫嘏正本方煒一百四十三嚴福一百四十四進呈本嚴福正本章宗瀛一百四十五至一百四十八進呈本宋銑正本章宗瀛一百四十九至一百五十一嚴福一百五十二一百五十三進呈本劉錫嘏正本方煒一百五十四進呈本劉錫嘏正本章宗瀛一百五十五進呈本劉錫嘏正本方煒一百五十六劉錫嘏一百五十七進呈本宋銑

正本黃壽齡一百五十八嚴福一百五十九一百六十  
進呈本宋銑正本黃壽齡一百六十一一百六十二進  
呈本宋銑正本章宗瀛一百六十三一百六十四黃壽  
齡一百六十五進呈本羅修源正本方煒一百六十六  
至一百六十八黃壽齡一百六十九一百七十進呈本  
宋銑正本章宗瀛一百七十一至一百七十三進呈本  
宋銑正本黃壽齡一百七十四至一百七十八黃壽齡  
一百七十九進呈本羅修源正本方煒一百八十至一  
百八十四進呈本宋銑正本黃壽齡一百八十五至一  
百八十八黃壽齡一百八十九羅修源一百九十一百  
九十一進呈本羅修源正本方煒一百九十二進呈本

黃壽齡正本方焯一百九十三進呈本宋銑正本方焯

一百九十四進呈本羅修源正本方焯一百九十五正

本方焯

進呈本此卷闕

一百九十六一百九十七進呈本羅修

源正本方焯一百九十八至二百進呈本宋銑正本章

宗瀛二百一進呈本羅修源正本章宗瀛二百二進呈

本黃壽齡正本章宗瀛二百三二百四黃壽齡二百五

進呈本黃壽齡正本方焯二百六嚴福二百七黃壽齡

二百八進呈本黃壽齡正本章宗瀛二百九進呈本宋

銑正本章宗瀛二百十嚴福二百十一宋銑二百十二

進呈本宋銑正本章宗瀛二百十三二百十四宋銑二

百十五至二百十七嚴福二百十八二百十九進呈本

黃壽齡正本章宗瀛二百二十二百二十一黃壽齡二  
百二十二進呈本黃壽齡正本章宗瀛二百二十三進  
呈本羅修源正本章宗瀛二百二十四二百二十五進  
呈本宋銑正本章宗瀛二百二十六進呈本羅修源正  
本章宗瀛二百二十七至二百二十九進呈本宋銑正  
本章宗瀛二百三十二百三十一進呈本羅修源正本  
方煒二百三十二進呈本羅修源正本章宗瀛二百三  
十三黃壽齡二百三十四至二百三十七嚴福二百三  
十八二百三十九進呈本黃壽齡正本方煒二百四十  
嚴福二百四十一進呈本羅修源正本方煒二百四十  
二進呈本羅修源正本章宗瀛二百四十三至二百四

十六進呈本羅修源正本方煒二百四十七進呈本黃  
壽齡正本方煒二百四十八黃壽齡二百四十九進呈  
本羅修源正本方煒二百五十二百五十一進呈本宋  
銑正本章宗瀛二百五十二至二百五十五進呈本嚴  
福二百五十六進呈本闕名二百五十二至二百五十六正本闕二百五  
十七進呈本宋銑正本章宗瀛二百五十八嚴福二百  
五十九章宗瀛二百六十嚴福二百六十一進呈本宋  
銑正本黃壽齡二百六十二至二百六十五嚴福二百  
六十六進呈本羅修源正本方煒二百六十七二百六  
十八黃壽齡二百六十九進呈本羅修源正本方煒二  
百七十二百七十一黃壽齡二百七十二二百七十三

方煒二百七十四進呈本羅修源正本方煒二百七十  
五至二百八十嚴福二百八十一至二百八十四進呈  
本羅修源正本方煒二百八十五進呈本宋銑正本章  
宗瀛二百八十六進呈本羅修源正本方煒二百八十  
七至二百九十一章宗瀛二百九十二進呈本羅修源  
正本方煒二百九十三進呈本羅修源正本闕名二百  
九十四進呈本羅修源正本方煒二百九十五進呈本  
闕名正本方煒二百九十六進呈本羅修源正本方煒  
二百九十七進呈本嚴福正本章宗瀛二百九十八至  
三百一章宗瀛三百二三百三方煒三百四進呈本羅  
修源正本方煒三百五至三百七方煒三百八至三百

十嚴福三百十一至三百十八章宗瀛三百十九進呈  
本宋銑正本章宗瀛三百二十進呈本宋銑正本方煒  
三百二十一至三百二十六進呈本嚴福正本章宗瀛  
三百二十七進呈本宋銑正本方煒三百二十八黃壽  
齡三百二十九至三百三十二方煒

明史攷證擲逸卷一

嘉業堂叢書

長洲王頌蔚編集

列傳第一 后妃一

太祖孝慈高皇后傳

一日問帝今天下民安乎

按成祖嘗問徐后曰先后遺言何者至要對曰安危  
係民之苦樂民心之所歸卽天命之所在又曰賞罰  
惟公足以服人見明實錄

帝封馬公徐王鄭媪爲王夫人

按馬公鄭媪俱於洪武二年追封建祠太廟之東至  
四年命陶凱立廟宿州瑩祠見明實錄

成祖仁孝徐皇后傳

官僚宜擇廷臣兼署之

改宜擇老成之士以輔之

按明實錄后謂成祖曰太子國家之本諸王藩屏所資願擇老成端正之士輔養德器上曰皇考之制東宮官屬率以廷臣兼之蓋明制宮僚兼署王官專設漢趙二王官僚不應廷臣兼署也此云官僚宜擇廷臣兼署誤

作內訓二十篇

按內訓二十篇目曰德性修善謹言慎行勤勵警戒節儉積善遷善崇經訓景賢範事父母事君事舅姑奉祭祀母儀睦親慈幼逮下待外戚見明實錄

宣宗恭讓胡皇后傳

選爲皇太子妃

按胡后父榮生七女洪武初長女入宮爲女官榮授  
錦衣百戶后其第三女也見明實錄

郭嬪傳

入宮二旬而卒

按宣宗聞郭氏之才因召至京卒贈國嬪見朱彝尊

明詩綜

景帝汪廢后附傳

妃杭氏

按杭后父昱因后累陞錦衣衛指揮使外戚不爲昱

立傳又杭后立謚祔廟英宗遷之別室並見明實錄  
孝穆紀太后傳

別祀奉慈殿

按嘉靖十五年并祭祀太后於奉先殿罷奉慈殿薦  
享見孫承澤春明夢餘錄

列傳第二 后妃二

孝宗孝康張皇后傳

會太后弟延齡爲人所告

按是時刑部謂延齡謀逆無驗殺人乃實帝爲奪尙  
書聶賢俸見明實錄

孝烈皇后方氏傳

十年三月

按后與鄭氏等冊爲九嬪禮志作十一年

捕宮人雜治

按時同謀宮人有楊玉香邢翠蓮姚淑翠楊翠英關梅秀劉妙蓮陳菊花王秀蘭又有徐秋花鄧金香張春景黃玉蓮等見徐學謨世廟識餘錄

孝定李太后傳

願好佛京師內外多置梵刹

按太后事佛甚謹宮中稱爲九蓮菩薩神宗爲建景命殿於瀋縣之永樂店蓋太后所生之地也有神宗御製碑文見陸元輔菊隱紀聞朱彝尊日下舊聞

神宗孝端王皇后附傳

有昭妃劉氏

按劉妃加諡爲宣懿康昭見明實錄

鄭貴妃傳

十月立爲皇太子

按皇太子之未立也大內北上西門之西有大高元殿鄭妃要帝謁神設密誓立其子爲太子因御書一紙械玉合中賜妃爲符契後廷臣爭之強慈聖太后復堅持立長於是太子遂定帝遣人取玉合封識宛然發合蟲蝕書盡矣見日下舊聞

光宗孝元郭皇后傳

謚恭靖

按后於泰昌時進謚恭端懿溫惠元見明實錄

四十七年三月薨

按后以三十二年生熹宗進才人始薨時謚昭肅恭和章懿才人光宗卽位進封皇貴妃改謚溫肅端靜純懿皇貴妃見明實錄

莊烈帝愍周皇后傳

其先蘇州人

蘇州改嘉定

按周后爲蘇州嘉定人見嘉定縣志

帝嘗在交泰殿

按乾清宮之北曰交泰殿皇后所居也袁貴妃居翊

坤宮田貴妃居承乾宮並見日下舊聞

贊

亦非有陰鷲之謀干政奪嫡之事徒以恃寵溺愛

改亦非有

干政之事然鄭妃忘匹嫡之嫌恃寵溺愛

按萬貴妃傳中屢傷皇嗣其謀陰鷲已甚鄭貴妃擅寵奪嫡見於各紀載及史中各傳者確有可據贊內但取文筆之抑揚於事理曲直殊爲失當

列傳第四 諸王一

秦王棟傳

棟妃元河南王王保保女

按王保保卽庫庫特穆爾沈工人本王氏小字保保

順帝賜今名

長安有魯齊書院齊改

按魯齊書院見陝西通志此作魯齊誤

所著有經進小鳴集經進改

按誠泳所著詩名賓竹小鳴集見明詩綜此作經進

誤

鳳朔以東朔改

按秦藩在陝西自潼關以西無以朔名地者係翔字

之誤

晉王桐傳

桐隨來朝

按柵來朝時廢爲庶人居京甚久號泣悔罪乃復爵  
敕歸時桂彥良汪河爲其官屬柵待之有禮見明實  
錄

數命將兵出塞及築城屯田

按柵與燕王同出塞燕王深入北庭柵第築城於下  
水太祖切責之見明實錄

晉王柵附傳

十年徙汾州

按永樂十年五月辛卯命慶成王濟炫居蒲州撥太  
原右衛中所官軍隨侍又以蒲州弊壞請居汾州從  
之見明實錄

周王橐傳

弟有勳

按有勳少與高煦善建文中嘗誣定王反燕王卽位定王請誅之成祖不忍徙之大理定王老始歸見明實錄

子敬王在鉅嗣萬曆十年薨

按敬王在鉅表作十一年薨與此互異

崇禎十四年李自成攻開封

按李自成三圍開封此云十四年冬則第二次被圍之時也當自成初圍時周藩承奉曹坤左長史李映春率藩府勇士八百人登城守禦下令民間有能出

城斬賊一級者賞銀五十兩能射殺一賊者賞三十兩射傷一賊或磚石擊傷者賞十兩百姓紛紛恐後見李光壁守汴日志

周王橐附傳

從河洛閒宿儒游

按睦樸受禮於睢陽許先三月而盡其學見明詩綜益訪購古書圖籍至延招學者坡改

按睦樸傾貲購書竭四十年之力倣唐人四部法用牙籤識別凡一萬二千五百六十卷起萬卷堂諷誦其中築室東陂之上有陂上詩文集二十卷見明詩

綜

楚王楨傳

十四年就藩武昌

按楚王於十四年就藩卽率江夏侯周德興討散毛諸洞蠻明年討大庸諸洞二十年討雲南阿魯速二十四年征西番二十七年討道州全州叛徭二十八  
年討桂陽山寇二十九年討瀘谿黔陽諸蠻並有功  
見明寶錄

楚宗人華越等言華奎與弟宣化王華壁皆非恭王子按楚恭王得一廢疾以遺腹孿生華奎華壁儀賓汪若泉嘗訐奏其非事下撫按王妃持甚堅得寢至是華越又奏之見郭正域等傳

魯王檀傳

十二年 大清兵克兗州二改五

按王世貞諸王表肅鏞以崇禎十二年薨子以派十三年嗣十五年我 大兵克兗州就執此誤五爲二魯王檀附傳

弟觀鞅以詩畫著名同時鉅野中尉頤塚安坵將軍頤壙聲詩清拔

按觀鞅嘗請辭祿廬父墓詔不允頤塚字育甫頤壙字冕甫二甫之名滿於當時頤塚有赤霞館集頤壙有元同館集見明實錄及明詩綜等書

列傳第五 諸王二

蜀王椿傳

復遷澧州

禮改澧

按地理志作澧州

子定王友垓嗣

按獻王椿有獻園集定王友垓有集十卷惠王申鑿有惠園集成王讓栩有長春競辰集端王宣圻有端園集一時諸王文學以蜀爲冠見朱彝尊靜志居詩話

代王桂傳

孫隱王仕壘嗣

按隱王仕壘有叔八人並封郡王天順五年以代隘

徙封懷仁王於霍山陰襄垣二王於蒲靈王於絳  
宣寧隰川二王於隰并徙仕壻子定安王於忻見明  
實錄

子定王顥鉉嗣三十二年薨

三改二

按諸王表定王顥鉉以神宗二十二年薨新寧王顥  
鈞以二十四年晉封此作三十二年誤

肅王模傳

永樂六年

按永樂二年肅王模奏求書籍藥材詔答曰所求書  
有者悉送去惟十七史諸書俟印裝續送昔洪武中  
兄嘗求乳香皇考以分封供給有制不與賢弟亮之

見明寶錄

世子真淤

按真淤爲世子時博學好文著有星海集寧藩宗正謀偉極稱之後以定王立追諡靖王見明寶錄

遼王植傳

詔奪真人號及印

按是時奪號及印并削祿米三分之一見明寶錄以廣元王術坳爲宗理

按廣元王術坳諸王表作術坳與此互異

慶王橈傳

二十八年詔王理慶陽寧夏延安綏德諸衛軍務

按王以建文三年始遷寧夏見諸王表

令孫景文作檄以討劉瑾爲名

按孫景文作檄數劉瑾諸罪狀及張綵劉機曹雄毛倫文臣武將內外交結謀不軌今特舉義兵請除君側凡陝西守臣將眞鑄等刊印劉瑾激變罪惡告示榜文封奏瑾匿不以聞見谷應泰明史紀事本末

寧王權傳

燕王遂自劉家口閒道趨大寧

按燕王議攻大寧諸將咸曰攻大寧必道松亭關但關門險塞猝恐難下上曰今從劉家口徑趨大寧不數日可達其將士悉守松亭關老弱居守師至可拔

卽松亭亦不戰自降矣師遂行見明寶錄

其他注纂數十種

按寧王注纂經子九流星厯醫卜黃冶諸術皆具凡羣書有祕本莫不刊布國中著述之富無逾王者見明詩綜

乘宏讀廷試卷取中旨行之

按完初爲江西按察使爲宸濠所重完亦心附之自完入內與王問遺不絕王欲復護衛輦金分饋權要完知費宏不可遂因其讀卷入疏下制許之并傳旨令宏致仕見明史紀事本末

與吉安知府伍文定等檄諸郡兵先後至

按知府伍文定等至眾議所向守仁曰兵家之道急衝其鋒攻其有備皆非計之得吾固示以自守不出之形彼必他出然後尾而圖之先復省城以擣其巢穴俟彼還兵來援然後邀而擊之此全勝之策也見王守仁陽明集及明史紀事本末

樂舞齊郎之屬半給之

齊改

廷議增設石城宜春管理

按宜春郡王以從宸濠除爵石城郡王以嘉靖二十七年無子停襲故至是復議增設見諸王表

時諸郡王統於弋陽而瑞昌始王不祀

按瑞昌郡王以正德十五年從宸濠除爵故諸宗皆

屬弋陽見諸王表

列傳第六 諸王三

岷王榷傳

六年削其護衛罷官屬

按榷於永樂十八年十二月從居北京見諸王表

洪熙元年

改仁宗  
即位

按榷徙武岡在永樂二十二年十月見明實錄是時

仁宗甫即位尙未改元此遽稱洪熙元年誤

子恭王徽燦嗣

按諸王表岷王嫡長子徽燦薨無嗣景泰三年乃以  
嫡弟徽燦嗣

並召至京

按鄭曉同姓諸王傳徽煖與鬪豎謗其弟徽燦輒赴京奏事敕止之途不止上爲斬鬪豎而遣徽煖歸此云並召至京未知孰是

時景泰二年十月也

按景泰四年徽燦請入朝不許見明實錄

子靖王彥汰嗣

按彥汰爲膺鈺庶長子以弘治十七年自江陵王嗣見諸王表

彥汰亦坐抗制擅權革爵

按彥汰坐荒淫無度幽囚嫡母逼迫多官稱臣革爲

庶人見同姓諸王傳

子憲王定燿嗣 至從父企鑾嗣

按定燿薨後以南充王幹跬爲世子未立而卒謚僖  
靖孫企鈗亦卒乃以禮洪嗣企鑾者幹跬子企鈗弟  
也見諸王世表

流賊陷武岡遇害

按崇禎十六年三月張獻忠陷武岡所謂流賊指此  
見明史紀事本末

谷王橚傳

又致書蜀王爲隱語

按橚致蜀王書有曰德蒼時不可言桓文之事桓文

時不可言德蒼之施卽所謂隱語也見明寶錄  
於是及二子皆廢爲庶人

按何喬遠分藩記云棣是時闔戶自焚死與此異同  
姓諸王傳謂是時廢其二子賦灼賦煇爲庶人

韓王松傳

洪武二十四年封國開原

按洪武二十七年三月上令松及藩王省秦晉燕周  
齊五王分道而行至秋八月乃還見明寶錄

子惠王徵針嗣

按徵針弟漢陰王徵錠無子妃父周恂取他人子冒  
爵事發斬恂沒其家冒封子女皆賜死見明寶錄

子定王融燧嗣

按融燧在位請食鹽食茶戶部以茶易戎馬鹽供邊餉不許見同姓諸王傳

子謨典先卒

按謨典於嘉靖四十年薨諡悼恭後追封安王見諸王世表

子孫皆早卒

按朗錡子璟法孫達杞先後皆封世子世孫見諸王世表

瀋王模傳

就藩潞州

按宣宗時模言諸子婚請展府府垣外盡民廬也上  
曰毀民廬以拓王府不可命工部往勘之見同姓諸  
王傳

子恭王詮鉦嗣嘉靖六年薨孫允楹攝府事九年卒

按詮鉦子勳泚封福山王前卒追封靖王允楹卒後  
追封懷憲王見諸王世表

再從弟憲王允柎攝府事凡十年乃嗣封

按允柎靈川王詮鈺孫勳潛子也允柎嗣爵追封詮  
鈺爲安王勳潛爲惠王而以勳潛次子允挺爲德平  
王續靈川之後見分藩記

唐王桎附傳

彌鉗子敬王宇温嗣

按嘉靖四年以宇温嗣爵追封彌鉗爲恭王見諸王世表

三十九年宇温薨

按是時有輔國將軍宇浹者定王元孫也五歲喪明畫掌識文字嘉靖中陳便宜數十事其孫碩爨爨子器封並以文詞名號南陽父子見分藩記又按神宗時給事中張應登疏諸藩文行可宗正者周則安瀧勤莫勤此趙則載堆載坑襄則載載埠載幸楚則英熿南昌則多熿多炆多燧多斫唐則碩爨父子見明實

錄

遂立於福州號隆武改立於福州

先是靖江王嘉亨嘉亨改

按靖江王世系作亨嘉

伊王擲傳

孫悼王諱銳嗣

按暹煥子勉堡不及封而卒追封安王見分藩記

多持官吏短長

按是時知府張柱初至官校尉數百人把持府事柱

榜門有納伊府校尉者死典模怒使伶人守府門伺

柱出俳弄之見分藩記

御史行部過北邙山外模要笞之山下增典字刪外字

煥曰

煥上增  
典字

僉謂典煥淫暴無藩臣禮

按是時僉事林騰蛟疏典煥淫暴狀典煥毒殺之見  
分藩記

靖江王守謙傳

父文正南昌王子也

按南昌王長子曰山陽王聖保無後見諸王表

友諒旁掠吉安臨江俘其守將

按是時友諒獲吉安守將劉齊朱淑華臨江同知趙  
天祐見同姓諸王傳

任椽吏衛可達

椽改

之藩桂林

按守謙之藩桂林在洪武九年見明實錄

子相承先卒

按相承後以規裕嗣追封懷順王見諸王世表

爲巡撫瞿式耜所誅時唐王聿鍵在福建奏捷焉改巡撫

式耜奉唐王聿鍵命禽送福州聿鍵誅之

按唐王聿鍵傳亨嘉爲瞿式耜所禽此作誅互異考

明史紀事本末是時聿鍵在閩式耜奉命禽亨嘉送

福州誅之此稱爲式耜所誅誤且原文末二語亦未

協

吳王允燧傳

降爲廣澤王

按允熲允煜之廢也帝以不能諫正惠帝罪之見同  
姓諸王傳

錮鳳陽

按天順四年出吳庶人之錮鳳陽者但有老婦女五  
六人見諸王表

太子文奎傳

太子文奎

按文奎以洪武二十九年十月晦生高帝不悅日日  
月皆終見諸王表

漢王高煦傳

洪武時召諸王子學於京師

按高煦於洪武二十八年封高陽郡王見明實錄

盜輝祖善馬徑渡江馳歸

按是時輝祖密奏惠帝謂高煦勇悍無賴請留勿遣  
會徐增壽及駙馬王寧力庇之竟遣還見分藩記

命將兵往開平備邊

按是時命高煦充副將軍北平開原諸衛及從征官  
軍悉聽節制見王世貞明異典述

時時稱高煦功幾奪嫡

按福等時稱高煦功高成祖曰居守功高於扈從儲  
貳分定於嫡長汝等勿復妄言見同姓諸王傳

譖解縉至死

按縉嘗對成祖謂太子天下本不可輕動後泄其語爲高煦所訴出爲交阯參議又三年請鑿章江水柁旨下獄久之以舊憾致死之見王世貞史乘考誤誅其左右狎暱諸人

按是時帝以其長史程棕紀善周巽等不能匡正皆斥交阯爲吏見明史紀事本末

封其長子爲世子餘皆郡王

按永樂二十二年十月仁宗封高煦嫡子瞻坦爲漢世子次瞻奎濟陽王瞻域臨淄王瞻埈昌樂王瞻擇淄川王瞻坪東齊王瞻塽任城王瞻垠海豐王瞻邨

新泰王見明實錄

時高煦已約山東都指揮靳榮等

按是時高煦約榮等反濟南爲應後爲守吏所覺不得發見明史紀事本末

乃議遣陽武侯辭祿將兵往討

按是時敕遣指揮黃謙同平江伯陳瑄守淮安防賊南逸并令指揮芮勳守居庸關見明史紀事本末

高煦諸子相繼皆死

按高煦旣錮逍遙城帝一日往視高煦出不意伸一足句帝仆地左右急扶起乃昇銅缸覆之缸重三百斤高煦頂負之輒動帝命積炭缸上然之移時火熾

銅鎔而死見同姓諸王傳

趙王高燧傳

得爲僞詔爲改其

子惠王瞻塙嗣

按高燧長子瞻坂仁宗卽位封爲趙世子先卒無子  
謚悼僖高燧薨後瞻塙以安陽王嗣見同姓諸王傳  
高燧成祖第四子未及封卒

按成祖第四子高燧雖早殤無可紀載而其生卒及  
受爵與否概未之載似屬闕略謹據諸王表於高燧  
之後添列一行以符體例

明史攷證摛逸卷一

明史攷證擴逸卷二

長洲王頌蔚編集

列傳第七 諸王四

鄭王瞻垞傳

詔曰前宗室有謗訕者置不治

按嘉靖二十七年鎮國中尉周王孫勤熨者因得過  
奪祿乃上書極諫世宗怒除爲庶人幽高牆見分藩  
記

蘄王瞻垞傳

蘄獻王瞻垞

按洗馬姚友直嘗授王經有問必正對王雖幼知賓

禮之見分藩記

襄王瞻塏傳

詔設襄陽護衛

按帝令瞻塏宮殿制如黃屋瞻塏踧躅辭帝稱善又賜之襄王之寶雕玉篆曰以識密奏見分藩記

詔王詣昌平謁三陵

按瞻塏謁陵返上疏言伏讀皇太后詔書諭廢郟王如漢昌邑王臣竊以爲郟王背恩亂倫非昌邑比臣閱其葬杭氏陵僭擬長獻不勝憤悼請賜夷毀上從之見分藩記

及辭歸禮送加隆

按贍墻四年返國時上製峴山漢水二賦及襄陽四  
時歌以榮之其行也上送之蘆溝橋見明寶錄

從子莊王厚頰由陽山王嗣

按厚頰定王次子見滂之孫而祐榻之子也嗣爵追  
封見滂爲恭王祐榻爲惠王見諸王世表

荆王瞻墻傳

子靖王祁鎬嗣

按祁鎬嘗爲妃魏氏乞照母妃珠冠賜博鬢英宗賜  
赦責其違制妄干見明世法錄

見滂懼其及也密聞於孝宗

按是時帝遣太監蕭敬錦衣指揮同知孫瓚刑部侍

郎載珊按其事見潔以不早言革祿米三之一見明實錄

廢祐柄

按祐柄削爵安置武昌令楚王約束見明實錄  
厚烜子永定王載璉長

按載璉初封永定王後追封莊王見諸王世表  
見煥曾孫載垓尤折節恭謹以文行稱

按隆慶中載垓疏請自試不報見分藩記

淮王瞻塙傳

就藩韶州

按瞻塙常來朝長史李伯嶼從左右欲有所求伯嶼

不可曰朝廷之一賜則惠求則瀆瞻煥病府中人請  
爲祈福伯嶼曰何如貸丁錢以甦衛士之困瞻煥皆  
從之見分藩記

世子見濂早卒

按世子見濂後追諡安王見明實錄

滕王瞻塏傳

封雲南

按滕王府長史姚友直事王恭謹宣宗愛王爲陞友  
直雲南參議掌長史事見同姓諸王傳

梁王瞻洵傳

就藩安陸

按同姓諸王傳梁府承奉孔勤侮瞻垣上曰梁王朕親弟奴敢如是逮勤誅之未幾上表不恭有司請治長史罪上以王故特不問

德王見潏傳

孫恭王載澄嗣

按祐榕世子厚燉先卒載澄立追謚懷王見分藩記  
秀王見澍傳

長史劉誠獻千秋日鑒錄

按同姓諸王傳劉誠時爲秀藩左長史

崇王見澤傳

子莊王載境嗣

按嘉靖十九年載境請父恭王墓表禮部援韓府襄陵王故事請如王奏上曰宗室賜壙志此祖宗典例安得有立表事襄陵立石已非例自今乞請宜勿與見同姓諸王傳

孫由櫜嗣

按翊鐸世子常澍先卒弟南陽王常濬封世子亦先卒由櫜者常濬子也見分藩記

晉王見浚傳

孫定王厚焞嗣

按見浚世子祐扶先卒厚焞立追封悼王見分藩記

孫由棟嗣

按諸王世表翊鑿世子常溥先卒由棟嗣追封安王  
徽王見沛傳

就藩鈞州

按弘治二年見沛乞陞州爲府吏部尙書王恕言肅  
藩荆岷皆封州鈞不得獨異從之見同姓諸王傳

時方士陶仲文有寵於世宗厚燭厚結之

按分藩記世宗南巡厚燭迎迓甚恭帝喜大賚之益  
歲祿三百石

載瑜銜之

按高輔性廉謹每有賜予皆辭帝以此逾重之曾載  
瑜使人求謝無以應故銜之見明史紀事本末

懷獻太子見濟傳

及廊王卽位心欲以見濟爲太子而難於發

按景帝嘗語太監金英曰七月初二日東宮生日也  
英頓首曰東宮生日是十一月初二日帝默然見明  
史紀事本末

景帝大喜

按景帝得玳疏大喜曰萬里外有此忠臣見明史紀  
事本末

天佑下民作之君 至斯本固於萬年

按詔書首二語何文淵所屬對也英宗復位王誠舒  
良伏誅陳循江淵遣戍商輅蕭滋等廷杖除名王直

高穀皆致仕文淵先致仕至是革宮保懼禍自盡黃  
玠已前死捕其子誅之見何喬遠繼體記

岐王祐楡傳

弘治八年之藩

按祐楡弘治中請迎母養不許見同姓諸王傳

益王祐檣傳

嘉靖十八年薨

按嘉靖十八年姦人班明誣昌國公張鶴齡通祐檣  
有異謀久之得白見分藩記

孫宣王翊劄嗣

按厚炫世子載增先卒翊劄嗣爵進封昭王見分藩

記

榮王祐樞傳

三年之藩常德

按是時劉瑾惡王與吏部尚書張綵謀逐王就國見  
同姓諸王傳

孫恭王載堦嗣

按祐樞世子厚慟先卒載堦嗣爵追封懷王見諸王  
世表

蔚王厚焯傳

生三歲薨

薨改  
殤

列傳第八

諸王五

莊敬太子載壑傳

行冠禮

按太子冠日風壞泰折坊工部尙書願可學言泰與  
太同未婚而死曰折爾雅曰方澤泰圻祭地也請改  
折以圻見繼體記

景王載圳博

載圳年少至中外頗有異論

按是時中允郭希顏落職家居有安儲一疏給事藍  
璧等奏希顏怨望傾險論死見明實錄

潞王翊鏐傳

景王就藩時

按翊鏐居藩時河南撫按官稱王嘗私出禁城神宗手敕責之見明世法錄

福王常洵傳

常洵次之

按常洵後光宗五年生卽進其母鄭氏爲貴妃見明實錄

四十二年始令就藩

按四十三年南京御史汪有功言福府內侍擅祭告孝陵不報見明史紀事本末

開北門納賊

按自成聞福藩富爲謀已久適陝西叛兵逃至河南

爲自成內應故一夕而陷見明史紀事本末

賊跡而執之遂遇害

按常洵被執時兵部尙書呂維祺遇於道謂常洵曰  
名義至重毋自辱維祺亦不屈死見明史紀事本末  
事聞帝震悼

按帝聞變逮總兵王紹禹磔之籍其家見明史紀事  
本末

自立於南京僞號弘光史可法督師江北

號上刪僞字  
史上增命字

按福王自立南都其事原等餘分閭位故所紀之元

稱爲僞號我

皇上下公爲量

特命附

書輯覽綱目之末用以昭垂萬世故號上刪僞字

瑞王常浩傳

有三王並封之旨

按三王並封之命在萬厯二十二年輔臣王錫爵密疏以建儲請乃有是命見明史紀事本末

督臣單騎裹甲出入萬山賊始敗遁

按陝賊陷洵陽逼興安漢中震動道臣王在臺固守興安洪承疇赴援城得全賊乃南破鳳縣入四川事在七年正月見明史紀事本末

惠王常潤傳

巡按御史劉熙祚遣人護三王入廣西

按獻忠襲陷衡州遣兵追三王至永州熙祚以水師

禦之乃得入粵見明史紀事本末

桂王常瀛傳

遣兵部侍郎林佳鼎討聿錫

按是時佳鼎與廣州將陳際泰戰於三水際泰敗既  
與林察戰於海口全軍俱沒佳鼎死之見明史紀事  
本末

土舍覃鳴珂作亂大掠城中矢及由榔舟

按覃鳴珂與守道龍友明相攻遂陷柳州由榔走象  
州見明史紀事本末

由榔走梧州

按由榔奔梧州時留馬吉翔李元允守肇慶見明史

紀事本末

八年三月遣兵來衛殺嚴起恆等

按八年可望遣賀九義等赴南寧索沮秦封者遂殺起恆及督師尙書楊鼎和科臣劉堯珍又吳霖張載述亦嘗劾主秦封者并殺之見明史紀事本末由榔故遲行

按可望遣白文選促由榔移黔文選素惡可望所爲因以情告由榔乃得遲行見明史紀事本末別將守七星關

按是時定國所遣守七星關者爲白文選見明史紀事本末

二月緬以四舟來迎

按是年二月定國令總兵靳統武率兵護由榔至銅壁關統武去仍歸定國見明史紀事本末

謀奉由榔走戶獵二河

獵改

按戶臘訛戶獵據一統志改

定王慈炯傳

不知所終

按京師陷時自成羈太子二王於宮中皆不屈及賊出奔時挾之去不知所終見明史紀事本末

贊

有明諸藩

至

豈太祖眾建屏藩初計哉

改封建之不可行於後世也信

矣明太祖建立親藩大封諸子方謂枝葉相維根本益  
固乃一傳而有燕王之變篡奪之禍起不旋踵厥後高  
煦宸濠逆謀屢動非所謂最強則最先反者歟中葉以  
來矯枉過正防閑之峻至於二王不得相見省墓請而  
後許識者譏焉降及末季盜賊充斥社稷在於呼吸而  
起兵勤王者且援祖制以罪之諸王之據名城擁厚資  
束手就戮所在皆是其能資捍禦者誰耶維屏維翰之謂何吁亦可鑒已

列傳第九 公主

曹國長公主傳

貞攜子文忠避兵依太祖於滁陽

按貞攜文忠赴滁帝詢其生計對曰苦漁稅後三年

蠲河西數郡漁稅以貞故也見識大錄

臨安公主傳

祺已前卒主至永樂十九年薨

改祺與主徙江浦祺於  
永樂元年卒主至永樂

十九  
年薨

按帝誅善長後祺與主徙江浦久之卒見明寶錄善長傳同又王世貞高帝功臣表亦云祺於永樂元年卒此云祺已前卒誤

大名公主傳

堅武涉人涉改

堅有才勇

按洪武中堅與駙馬梅殷歐陽倫陸賢等振北平見鄭曉異姓諸侯傳

福清公主傳

鳳翔侯龍子也

按龍濠州人洪武十二年以都督僉事從平西番論功封侯十七年從平雲南加祿五百石世襲三十年薨見高帝功臣表

江都公主傳

會炳文罷歸

按是時炳文以二十萬眾敗於滹沱河惠帝召還以李景隆代之見異姓諸侯傳所云炳文罷歸卽指此坐罪死

按異姓諸侯傳璿弟璵後軍都督僉事瑄尙寶卿永樂初皆坐罪死

安成公主傳

下嫁宋琥西寧侯晟子也

按王世貞明盛事述西寧侯晟子琥瑛一時尙公主拜駙馬都尉相繼嗣父爵挂平羌將軍印鎮守甘肅又按何喬遠勳封記亦云宣德六年琥嗣侯洪熙元年奪侯與瑛是琥固先襲侯也

常寧公主傳

下嫁沐昕西平侯英子

按昕爲英少子累掌南京都督府以壽考終見明世法錄

嘉興公主傳

源死土木之難

按源以土木死事景泰初贈鉅鹿侯見明實錄

重慶公主傳

下嫁周景

按景鴻臚寺卿周顥子景尙主後詔顥遷一官帶俸  
不任事見明異典述

嘉善公主傳

下嫁王增兵部尙書驥孫也

按王增考驥本傳作王添何喬遠勳封記及王世貞  
功臣表皆作添添與增音異義同未知孰是

漳安公主傳

趣獄卒考掠之瑾乃服罪

按訊瑾時震使人批瑾頰曰公卿朝廷所用何由汝抑汝何藏甲也瑾曰以衛上震曰何藏之私室瑾語塞獄乃具見明史紀事本末

### 崇德公主傳

興濟伯善孫也

按善大興人以右都御史迎駕南宮天順元年封卒贈侯子宗嗣成化元年予世錦衣衛同知見勳封記

### 仁和公主傳

下嫁齊世美

美改英

按明實錄作齊世英此作美誤又按世英爲尙寶卿齊祐子世英尙主後詔佑遷一官不任事見明異典

述

永康公主傳

嘉靖二十八年卒

按元子驥徵爲錦衣指揮早卒無後見王世貞恩澤公侯表

永福公主傳

嘗奉旨直西苑撰元文

按嘉靖時如駙馬都尉崔元皆賜居直廬撰擬醮詞賞無虛日見明異典述

俱行釐祝禮

釐祝改祝釐

榮昌公主傳

久之主薨

日五送二

按榮昌公主順治元年七月蒙

恩旨賞賜贍

田因率其子前軍都督府帶俸都督僉事楊光益孫  
錦衣衛帶俸都指揮使楊慶餘楊廕餘具本謝

恩列銜尚稱榮昌大長公主則此所謂久之主薨  
者殊失實但究不知以何時薨茲恭照順治年間

紅本詳識而仍其舊

寧德公主傳

下嫁劉有福

按寧德公主名徽妍順治元年六月

賜南城

宣北坊房一所二年七月

錫銀百兩地二百

恭照順治年間劉有光及公主謝

恩紅本附

識

長平公主傳

帝選周顯尙主周下增世字

按周顯恭閱

紅本作周世顯吳偉業集所載

亦同

以寇警暫停警下刪暫字

踰年病卒

按周世顯太僕寺卿周大成子長平公主以順治三年八月卒傳所載未晰恭照順治年間

附識

紅本

列傳第十

郭子興傳

始子興同起事者孫德崖等四人與子興而五

按與子興同起事者除孫德崖外尙有三人考明實錄但稱俞某魯某潘某而不著其名蓋以其無足傳耳王鴻緒明史稿遂訛作一人

元師破徐州

破改復

按托克托復徐州在至正十二年九月見元史順帝紀蓋卽子興起兵之本年也

韓林兒傳

遵道文郁爲丞相

遵上增以字

劉六者

六下刪者字

是年六月福通帥眾攻汴梁

按劉福通攻汴梁薛應旂續通鑑載在至正十七年八月與此互異考元順帝紀載六月福通犯汴梁八月陷大名衛輝路當以元史爲正

遂入鳳翔

入改圍

是年五月大發秦晉之師會汴城下

按察罕特穆爾克汴續通鑑載在至正十九年八月與此互異當是發兵在五月耳

又二年林兒卒

按林兒之卒續通鑑載在至正二十六年十二月明

祖之稱吳王在至正二十四年其中止閱一年此云  
又二年蓋謂稱王之又次年也

列傳第十一

陳友諒傳

至正十一年九月陷蘄水及黃州路敗元威順王遂卽  
蘄水爲都稱皇帝

按徐壽輝陷蘄水及黃州路續通鑑載在至正十一  
年五月其稱帝在十月元史順帝紀則陷黃州在九  
月稱帝在十月蓋分紀與總敘不無互異也

二十五年

二上增至  
正二字

按上文敘至正十一年十七年後書洪武五年此另

敘熊天瑞事維時明祖已自稱吳王所云二十五年  
乃至正紀年也

張士誠傳

元以萬戶告身招之不受給殺李齊

按續通鑑士誠僭帝號在至正十三年五月維時李  
齊先往招降被留已而賊酋自相猜乃縱齊歸既有  
詔赦之賊詭云李齊至乃降行省復強之往遂被害  
所云萬戶告身當卽赦也

幽達識帖睦迺於嘉興

按達識帖睦迺卽達什特穆爾被幽遂飲鴆卒見元  
史本傳

檇蒲蹠踯

檇蒲改  
檇蒲

按集韻檇抽居切音摠惡木也蒲薄胡切水草也故從木從彡若檇捕戲也皆從才見晉書陶侃傳

士誠數以兵攻常州江陰建德長興諸全

按諸全州元時郡縣無此名地理志載太祖己亥正月改諸暨州爲諸全州至丙午年十二月降爲縣仍名諸暨考己亥爲元至正十九年丙午爲二十六年士誠於二十七年被禽則其侵掠正在己亥丙午之間故傳稱諸全也

方國珍傳

乃遣大司農達識帖睦迺招之降

按元史本傳達什特穆爾於至正八年拜大司農九年出爲湖廣行省其招降方國珍在官行省時此云大司農是尙稱前官也

且遣次子關爲質

按次子關爲質續通鑑作次子明完考國珍三子明完當卽關字觀傳末關弟行字明敏可見

進克温州平南將軍湯和以大軍長驅抵慶元

按明兵克温州在至正二十七年九月下慶元在十二月此類書於九月之後蓋總敘也

若來得毋晚乎

晚上增  
太字

授廣州西行省左丞

廣下刪  
州字

按明實錄作廣西行省左丞此衍州字

除留守經歷

守下增  
司字

按職官志有留守司掌中都興都防護之事其屬則  
經歷司經歷洪武二年設無所謂留守經歷也

坐累死

按詹鼎之坐累傳未明言明實錄亦不載惟朱國禎  
開國臣傳稱鼎因大都督府除軍吏受賂事發誣其  
有賊鼎言在留守衛時所養孤甥來省恐有之鼎實  
不知卒坐誅據此則鼎之賊罪或誣或實皆未可知  
傳故不詳其事

明玉珍傳

以二十二年春僭卽皇帝位於重慶

二十二年改二十三年

按明玉珍稱王在至正二十二年五月其稱帝在二十三年正月續通鑑及元史順帝紀皆同此作二十二年誤

### 分道攻雲南

按明玉珍攻雲南續通鑑及元史順帝紀載在至正二十二年三月其明年玉珍乃稱帝此紀在稱帝之明年互異

王挾大理兵擊勝勝以孤軍無繼引還

按萬勝卽明二之本名續通鑑稱梁王以大理軍還擊禽其弟明二元史順帝紀亦同此云引還梁王傳

又作敗還以下文萬勝爲左右丞相證之當是續通  
鑑之誤或當時有兩萬勝耶

今足下疆場場改

按正韻場移籍切說文云大界曰疆小界曰場又邊  
境也場直良切說文云祭神道也又收禾圃曰場是  
場與場音義各別